



Tužilaštvo - Tužiteljstvo Bosne Hercegovine
Тужилаштво Босне и Херцеговине

Broj: T20 0 KTK 0022106 22
Sarajevo, 15.01.2024. godine

SUD BOSNE I HERCEGOVINE
SARAJEVO
- Sudiji za prethodno saslušanje -

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH), podižem:

OPTUŽNICU

Protiv:

Ognjena Stupara, [REDACTED] rodenog [REDACTED] 1979. godine
u Sanskom Mostu, [REDACTED]
[REDACTED] državljanina BiH i Republike Srbije,

Zbog postojanja osnovane sumnje da je:

U periodu od 01.02.2022. godine do 31.08.2023. godine, na području Bosne i Hercegovine, u svojstvu službene osobe u institucijama BiH, obavljajući poslove komandira u Graničnoj policiji BiH, u jedinici Granične policije BiH Aerodrom Banja Luka, [REDACTED]

[REDACTED], svjestan svojih protivpravnih radnji i htijući to, s ciljem pribavljanja protivpravne imovinske koristi, doveo u zabludu ovlaštenu osobu Granične policije BiH da izvrši nezakonitu isplatu na ime naknade za troškove smještaja i naknade za odvojeni život, znajući da nema prava na navedene naknade imajući u vidu da isti živi i boravi u porodičnoj kući u Banja Luci [REDACTED], a da je u radno mjesto na koje je raspoređen u Banja Luci, pa je u tom cilju Stupar Ognjen, dana 01.02.2022. godine zaključio fiktivni Ugovor o iznajmljivanju stana [REDACTED] u Banja Luci, i to za mjesečni iznos od 300,00 KM [REDACTED], svjestan i znajući da

se ne radi o stvarnom ugovornom odnosu jer je navedena napokretnost koja je predmet ugovora porodična kuća osumnjičenog u kojoj živi sa svojom porodicom počev od 2005.godine, te svjestan i znajući da ne postoji stvarna odvojenost života od članova svoje porodice jer osumnjičeni nikada nije boravio niti živio na prijavljenoj adresi prebivališta u Bijeljini, nego sa članovima svoje porodice živi i boravi [REDACTED] u Banja Luci, da bi potom navedeni ugovor dostavio Graničnoj policiji BiH uz Zahtjev za ostvarivanje naknade na troškove smještaja [REDACTED], na koji način je doveo u zabludu ovlaštenu osobu Granične policije BiH da izvrši nezakonitu isplatu po osnovu troškova smještaja i naknade za odvojeni život, tako što je Rješenjem Ministarstva sigurnosti BiH, Granične policije, [REDACTED], osumnjičenom priznato pravo na naknadu troškova smještaja u mjesečnom iznosu od 300,00 KM, i Rješenjem Ministarstva sigurnosti BiH, Granične policije, [REDACTED] priznato pravo na naknadu za odvojeni život i iznosu od 300,00 KM, po kojem osnovu je u periodu od 01.02.2022. godine do 31.08.2023. godine, izvršena isplata na ime naknade za troškove smještaja u iznosu od 6.000,00 KM na račun fiktivnog zakupodavca i isplata osumnjičenom na ime naknade za odvojeni život u iznosu od 4.652,26 KM, na koji način je isti pribavio protivpravnu imovinsku korist u ukupnom iznosu 10.652,26 KM, za koji iznos je oštećen budžet Bosne i Hercegovine.

Dakle, u svojstvu službene osobe u institucijama BiH, s ciljem da pribavi protivpravnu imovinsku korist, doveo u zabludu ovlaštenu osobu Granične policije BiH da izvrši nezakonitu isplatu,

Čime je, počinio krivično djelo Prevara u službi iz člana 222. stav 2. Krivičnog zakona Bosne i Hercegovine.

TUŽILAC TUŽILAŠTVA BiH